



VENDIM

Nr. 23 Datë 24.02.2012

PËR

**MIRATIMIN E DISA NDRYSHIMEVE NË RREGULLAT E TREGUT
TË ENERGJISË ELEKTRIKE**

Në mbështetje të neneve 9 dhe 54, të Ligjit nr. 9072, datë 22.05.2003, “Për Sektorin e Energjisë Elektrike”, të ndryshuar, nenit 26 të Rregullave të Praktikës dhe Proçedurave të ERE-s, miratuar me Vendimin të Bordit të Komisionerëve të ERE-s, nr. 21, datë 18.03.2009, të ndryshuar, Bordi i Komisionerëve të Entit Rregullator të Energjisë (E.R.E), në mbledhjen e tij të datës 24.02.2012, mbasi shqyrtoi propozimin e Drejtorive Teknike për disa ndryshime në Rregullat e Tregut të Energjisë Elektrike,

Vendosi:

1. Të miratojë ndryshimet në Rregullat e Tregut të Energjisë Elektrike. (Ndryshimet sipas tekstit bashkëlidhur).

Ky vendim hyn në fuqi menjëherë.

Ky vendim botohet në Fletoren Zyrtare.



Votimi i Bordit të Komisionerëve të ERE-s për,

VENDIMIN

Nr. 23 Datë 24.02.2012

PËR

**MIRATIMIN E DISA NDRYSHIMEVE NË RREGULLAT E TREGUT
TË ENERGJISË ELEKTRIKE**

Anëtarët e Bordit

	Pro	Kundër
Sokol Ramadani	_____	_____
Ardian Haçi	_____	_____
Abaz Aliko	_____	_____
Shkëlqim Bozgo	_____	_____
Adriatik Bego	_____	_____



**Ndryshimet ne Rregullat e Tregut te Energjisë Elektrike miratuar me
Vendimin e Bordit te Komisionerëve nr. 23 date 24.02.2012**

A. Në kapitullin VII.2 Pjesëmarrësit në tregun e balancimit bëhen ndryshimet si me poshtë:

A.1 Pika VII.2.i, bëhet si me poshtë:

VII.2.1 Te gjithë pjesëmarrësit ne treg me programe te regjistruara

A.2 Pika VII.2.ii, shfuqizohet.

A.3 Pika VII.2.2 paragrafi (iii) ne fund te fjalisë shtohen fjalët “ose grup konsumatorësh”.

B. Në kapitullin VII.3. **Kërkesat dhe Ofertat; Parashtrimi i Kërkesave dhe Ofertave**, bëhen ndryshimet si më poshtë:

B.1- Pika VII .3.1 ndryshon dhe bëhet si me poshtë:

VII .3.1 OST duhet te nxjerre parashikimet e përditësuara brenda orës 10:00 përpara ditës se dispecerimit ne kohe reale, qe udhëzon tregun e energjisë lidhur me disbalancat e pritshme. Jo më vonë se 10 ditë para fillimit të një muaji të caktuar gjatë Vitit ne Avancë, OST-ja do të hartojë një plan mujor operimi për operimin e sistemit energjetik shqiptar bazuar ne informacionin mujor të përditësuar të siguruar nga pjesëmarrësit e tregut.

B.2 – Pika VII.3.2 paragrafi i parë shfuqizohet.

B.3 - Ne piken VII.3.2 paragrafi vii. gërma a, fjala “energjisë” zëvendësohet me fjalën “kapacitetit”

B.4 – Pikat VII.3.4 , VII.3.6, VII.3.7, VII.3.8, VII.3.9, VII.3.10, VII.3.12, VII.3.13, VII.4, VII.5, VII.6, shfuqizohen.

C. Në kapitullin IX **Rregullat për llogaritjen e disbalancave** , bëhen ndryshimet si më poshtë:

C.1 – Pika IX .1.3 ndryshon dhe bëhet:

IX.1.3 a. Çmimi i Energjisë Balancuese llogaritet për çdo muaj si mesatare e ponderuar e çmimeve te gjithë blerjeve qe ka bere KESH Sh.a gjate muajit, plus 10 % për inballancat pozitive dhe çmimin e Furnizuesit Publik me

Shumice për disbalancat negative, dhe ne rastet e kryerjes se shkarkimeve nga KESH.sh.a per shkak te prurjeve te medha ky çmim do te jete 0 (zero)

b. Ne rastet kur KESH Sh.a nuk do të bëjë importe te energjisë elektrike gjate muajit n, për llogaritjen e çmimit te inballancave pozitive aplikohet çmimi mesatar i ponderuar i blerjeve te bere nga Operatori i Sistemit te Shpërndarjes plus 10 % gjate muajit n, ndërsa për ato negative ai i Furnizuesit Publik me Shumicë.

c. OST Sh.a do te bëjë shumën algjebrike te disballancave (pozitive dhe negative) mujore dhe do ti dërgojë Pjesëmarrësve te Tregut faturat përkatëse.

d. CEZ Shpërndarje Sh.a ne funksionet e tij si Operator i Sistemit te Shpërndarjes dhe Furnizuesit Publik me Pakice do te jete subjekt i inballancave sipas dispozitave te mësipërme vetëm për inballancat pozitive.

e. Kjo dispozite te jete deri ne 6/mujorin e pare te vitit 2012.

f. Brenda datës 5 te muajit n+1, KESH Sh.a i dërgon OST Sh.a (Operatori i Tregut) çmimin mesatar (te ponderuar) te importeve te energjisë elektrike për muajin n. OST Sh.a brenda datës 10 te muajit n+1 u dërgon faturat Pjesëmarrësve te Tregut. Ne llogaritjen e pagesave OST Sh.a do te përdorë kursin mesatar te këmbimit te Euro/leke te muajit n te publikuar nga Banka e Shqipërisë.

l. Afatet e parashikuara ne paragrafin e mësipërm, nuk do te merren parasysh nga OST Sh.a për llogaritjen e inballancave te Pjesëmarrësve te Tregut për muajin janar 2012. Disballancat per muajin Janar 2012 do te faturohen nga OST Sh.a brenda muajit shkurt 2012.

K. Disballancat brenda kufirit +/- 5% do te kompensohen në natyrë në bazë ne javën pas operimit.

C.2 – Pika IX.1.4 ndryshon dhe bëhet:

- IX.1.4 OST Sh.a publikon ne faqen e saj zyrtare te internetit çmimin mesatar (te ponderuar) qe është aplikuar për inballancat.

OST Sh.a deri ne datën 25 te muajit n+1 do te dërgoj ne ERE një raport përmbledhës për inballancat dhe çmimin e aplikuar për vlerësimin e këtyre inballancave për muajin n.

C.3 – Pika IX.1.7 ndryshon dhe bëhet:

IX.1.7 OST i faturon çdo muaj çdo pjesëmarrësi tregu përgjegjës për disballancat e shkaktuara vlerën te llogaritur sipas çmimit te miratuar nga ERE dhe disballancave përkatëse te tyre.

C.4 – Pika IX.1.8 ndryshon dhe bëhet:

IX.1.8 OST e siguron energjinë balancuese te nevojshme për te mbuluar disballancat e krijuara nga KESH – Gen

C.5 - Pikat IX.1.5, IX.1.9 shfuqizohen.

C.6 – Pika IX.1.10 ndryshon dhe bëhet:

Llogaria e të ardhurave të balancimit të Energjisë vjen nga shumëzimi i Energjisë se balancimit me çmimin e balancimit të aplikueshëm për periudhën përkatëse.

D. Pika IX. 2 shfuqizohet.

E. Në kapitullin X , bëhen ndryshimet si me poshtë :

E.1 Pikat X.1..2, X.1.3, X.1.4, shfuqizohen.

E.2. Ne piken X.1.10 ne fjaline e pare pas fjalës “mujore” vendoset fjala “ditore”.

E.2 Pika X.1.12 ndryshon dhe bëhet:

X.1.12 Ne datën e ankandit vjetor, mujor ose ditor Operatori i Tregut i OST do te ndaje te gjitha kërkesat e pranuar ne ankandin e interkoneksioneve ne baze te drejtimit te flukseve dhe ne një rend zbritës te çmimit dhe do te shpall fituesit e te drejtës për kapacitete ne volumin e kërkuar për palën me çmimin marginal me te ulet.

F. Në kapitullin XI bëhen ndryshimet si me poshtë:

F.1 Pika XI.3.2 ndryshon dhe bëhet:

XI.3.2. Llogaritja e prodhimit – Energjia e matur ne llogarinë e gjeneruesit del nga mbledhja (nga çdo njësi balancuese e regjistruar ne llogari) e diferencës mes leximeve orare të matësit ne fund të periudhës së likuidimit me atë të marrë ne periudhën fillestare. Për Interkoneksione importuese, merret mbledhja e vlerave ne fund te çdo ore te linjave te Interkoneksioneve.

F.2. Pika XI.3.5 shfuqizohet.

G. Në kapitullin XII – Rregullat për faturimin dhe pagesën, bëhen ndryshimet si me poshte:

G.1 Pika XII.1.2, ndryshon dhe bëhet:

- Faturat do të dorëzohen normalisht ditën e 10^{të} të muajit kalendarik pasardhës. Palët tregtare kane 10 ditë për të paguar faturën

G.2 pikat XII.1.5 dhe XII.1.6 shfuqizohet.

G.3 Pika XII.2.3 ndryshon dhe bëhet:

XII.2.3 Operatori i Tregut OST ja i dërgon deklaratën e realizimit të Disbalancat për muajin në çdo pjesëmarrësi brenda 10 ditëve pas përfundimit të muajit përfshirë vlerën përkatëse që çdo Pjesëmarrës Tregu duhet të paguaje ose të marrë .

G.4 Pas pikes XII.2.3 shtohet pika XII.2.4:

XII.2.4

OST-ja i dërgon në të njëjtën ditë KESH Gen-it deklaratën e realizimit të disballancave dhe faturën përkatëse e cila përmban vlerën që ky i fundit do të përfitojë për të gjithë energjinë balancuese të ofruar gjatë muajit N për rastet e inballancave pozitive ose pagesën e vlerës në rastet e inballancave negative të pjesëmarrësve të tregut.

G.5 Pika XII.3 ndryshon dhe bëhet:

XII.3 – Faturat për Pagesat e inballancave dhe përdorimit të sistemit të transmetimit

XII.3.1. OST-ja përgatit faturat për gjithë pjesëmarrësit për disballancat dhe për përdorimin e rrjetit të sistemit të transmetimit.

G.6 Pika XII.3.2 shfuqizohet.

G.7 Pika XII.4.2, ndryshon dhe bëhet:

Pagesat e pakryera lidhur me çdo paqartësi ose mbi pagesë në faturë grumbullojnë një interes prej 0,5% në ditë për çdo ditë vonese.

G.8 Pika XII.4.3, ndryshon dhe bëhet:

XII.4.3 Nëse rezultati i paqartësisë së faturës nuk është *i drejte* ose OST-ja nuk ka vepruar në mënyrë të arsyeshme në menaxhimin e paqartësisë së faturës ose në llogaritjen e pagesës së debatueshme atëherë OST detyrohet t'i paguaje pjesëmarrësit të tregut një interes prej 0,5% në ditë të vlerës së diferencës së faturës së paguar prej tij për periudhën nga kryerja e pagesës dhe zgjidhja e mosmarrëveshjes.

G.9. Pika XII.4.4, ndryshon dhe bëhet:

Interesi është i pagueshëm në shumën që përfaqësojnë diferencën mes shumës së paguar dhe shumës korrekte pas zgjidhjes së mosmarrëveshjes dhe do t'i paguhet OST-së ose nga OST, sipas rastit.

G.10. Pika XII.4.5, ndryshon dhe bëhet:

Pas zgjidhjes së paqartësisë së faturës, pagesa duhet bërë brenda tre (3) ditëve pune nga zgjidhja e mosmarrëveshjes. Pas kësaj date, interesi mbi shumën e papaguar do të akumulohet interesi prej 0,5% në ditë.